

Pokosionnaj pou tan jòdi.

Lucidité

Anlè entènet radio
télévision fesbouk
an sel lavalas
pawol manti-mantè.
Pa kité yo fè'w
pran dlo mousach pou let.

Vigilance

Menm lè ou ni an mas
anlè fidji'w
pa palé kolé-séré
épi pies moun !
man pa ka menyen'w
pa menyen mwen !
lavé lanmen alé-pou-viré !
Délè simié ou rété
andidan kay-ou !

Patience

Piti piti tibet-la visié menm
i kapab fè wol pran lavol
mé sé séré i ka séré
épi anba fey
i ka viré méchan toubanman.
Pa bliyé
tro présé pa ka fè jou wouvè !
Sonjé
Pasians sé met !